



戊子借毛子季宗影奉倩道林村校過焯記

王摩詰集卷第一

賦

白鸚鵡賦

若夫名依西域族本南海同朱喙之清音變綠
衣於素彩惟茲鳥之可貴諒其美之斯在朱其
入翫於人見珍竒質狎蘭房之妖女去桂林之
雲日易喬枝以羅袖代危巢以瓊室慕侶方遠
依人永畢託言語而雖通顧形影而非匹經過
珠網出入金鋪單鳴無應隻影長孤偶白鸚於
池側對皓鸛於庭隅愁混色而難辨願知名而

鶴

自呼明心有識懷思無極芳樹絕想雕梁撫翼
時銜花而不言每投人以方息慧性孤稟雅容
非飾含火德之明輝被金方之正色至如海燕
呈瑞有玉筐之可依山雞學舞向寶鏡而知歸
皆羽毛之偉麗奉日月之光輝豈憐茲鳥地遠
形微色凌紈質彩奪繒衣深籠久閉喬木長違
儻見借其羽翼與遷鶯而共飛

四言詩

酬諸公見過

時官未出在軻川座

嗟余未喪哀此孤生屏居藍田薄地躬耕歲晏

座元作
庄

輸稅以奉粢盛晨往東臯草露未晞暮看烟火
負擔來歸我聞有客足掃荆扉簞食伊何鬴瓜
抵棗仰廁羣賢皤然一老媿無筦簞班荆席藁
汎汎登陂折枝作花淨觀素鮪俯暎白沙山鳥
羣飛日隱輕霞登車上馬倏忽雨散雀噪荒村
雞鳴空館還復幽獨重欷累歎

五言古詩

扶南曲歌詞五首

翠羽流蘇帳春眠曙不開羞從面色起嬌逐語
聲來早向朝陽殿君王中使催

登元作澄

堂上青絃動堂前綺席陳齊歌盧女曲雙舞洛陽人傾國徒相看寧知心所親
香氣傳空滿粧華影箔通歌聞天仗外舞出御樓中日暮歸何處花間長樂宮
宮女還金屋將眠復畏明入春輕衣好半夜薄粧成拂曙朝前殿玉墀多珮聲
朝日照綺窗佳人坐臨鏡散黛恨猶輕插釵嫌未正同心勿遽遊幸待春粧竟

從軍行

吹角動行人喧喧行人起笳悲馬嘶亂爭渡金

河水日暮沙漠垂戰聲烟塵裏盡係名王頸歸來獻天子

隴西行

十里一走馬五里一揚鞭都護軍書至匈奴圍酒泉關山正飛雪烽戍斷無烟

早春行

紫梅發初遍黃鳥歌猶澁誰家折楊女弄春如不及愛水看粧坐羞人映花立香畏風吹散衣愁露霑濕玉闈青門裏日落香車入游行益相思含啼向綵帷憶君長入夢歸晚更生疑不及

紅簷鸞雙栖綠草時

奉和聖製登降聖觀與宰臣同望應制
鳳展朝碧落龍圖耀金鏡維岳降二臣戴天臨
萬姓山川八校滿井邑三農竟比屋皆可封誰
家不相慶林踈遠村出野曠寒山靜帝城雲裡
深渭水天邊映喜氣含風景頌聲溢歌詠端拱
能任賢彌彰聖君聖

奉和聖製御春明樓臨右相園亭賦樂

賢詩應制

複道通長樂青門臨上路遙聞鳳吹喧閣識龍

輿度褰旒明四日伏檻紆三顧小苑接侯家飛
甍映宮樹商山原上碧滄水林端素銀漢下天
章瓊筵承湛露將非富民寵信以平戎故從來
簡帝心詎得廻天步

奉和聖製送不蒙都護兼鴻臚卿歸安

西應制

上卿增命服都護揚歸旆雜虜盡朝周諸胡皆
自鄣鳴笳瀚海曲按節陽關外落日下河源寒
山靜秋塞萬方氛稜息六合乾坤大無戰是天
心天心同覆載

瓜園詩 并序

維瓜園高齋俯視南山形勝二三時輩同賦是詩兼命詞英數公同用園字爲韻韻任多少時太子司議郎薛璩發此題遂同諸公云

余適欲鋤瓜倚鋤聽叩門鳴騶導驄馬常從夾朱軒窮巷正傳呼故人儻相存携手追涼風放心望乾坤藹藹帝王州宮觀一何繁林端出綺道殿頂播華幡素懷在青山若值白雲屯廻風城西雨返景原上村前酌盈樽酒往往聞清言黃鸝轉深木朱槿照中園猶羨松下客石上聞

清猿

同盧拾遺章給事東山別業二十韻給事首春休沐維已陪遊及乎是行亦預聞命會無車馬不果斯諾

託身侍雲陛昧早趨華軒遂陪鵷鴻侶霄漢同飛翻君子垂惠顧期我於田園側聞景龍際親降南面尊萬乘駐山外順風祈一言高陽多夔龍荆山積璵璠盛德啓前烈大賢鍾後昆侍郎文昌宮給事東掖垣謁帝俱來下冠蓋盈丘樊閨風首邦族庭訓延鄉村采地包山河封井竟

元版拾遺
下有過字
章作章

川原巖端迴綺檻谷口開朱門階下羣峰首雲
中瀑水源鳴玉滿春山列筵先朝暎會舞何颯
踏擊鍾彌朝昏是時陽和節清晝猶未暄藹藹
對色深嚶嚶鳥聲繁顧已負宿諾延頸慙芳蓀
蹇步守窮巷高駕難攀援素是獨往客脫冠情
彌敦

和使君五郎西樓望遠思歸

高樓望所思目極情未畢枕上見千里牕中窺
萬室悠悠長路人曖曖遠郊日惆悵極浦外迢
遞孤烟出能賦屬上才思歸同下秩故鄉不可

水

見雲外空如一

訓黎居士浙川作曇壁上人院走筆成

浙當作浙

儂家真箇去公定隨儂否着處是蓮花無心變
楊柳松龕藏藥裏石唇安茶臼氣味當共知那
能不攜手

奉寄韋太守陟

荒城自蕭索萬里山河空天高秋日迥嘹唳聞
歸鴻寒塘映衰草高館落跡相臨此歲方晏顧
景詠悲翁故人不可見寂寞平林東

林園即事寄舍弟統

寓目一蕭散消憂冀俄頃青草肅澄陂白雲移
翠嶺後沔通河渭前山色鄢郢松含風裏聲花
對池中影地多齊后瘠人帶荊州瘦徒思赤筆
書詎有丹砂井心悲常欲絕髮亂不能整青簞
日何長閑門晝方靜頽思茅簷下彌傷好風景
贈從弟司庫員外綵

少年識事淺強學干名利徒聞躍馬年苦無出
人智即事豈徒言累官非不試既寡遂性歡恐
招負時累清冬見遠山積雪凝蒼翠皓然出東
林發我遺世意惠連素清賞夙語塵外事欲緩

携手期流年一何駛

座上走筆贈薛璩慕容損

希世無高節絕跡有卑棲君徒視人文吾固和
天倪緬然萬物始及與羣牧齊分地依后稷用
天信重黎春風何豫人令我思東溪草色有佳
意花枝稍含萋更待風景好與君藉萋萋

贈季頎

聞君餌丹砂甚有好顏色不知從今去幾時生
羽翼王母翳華芝望爾崑崙側文螭從赤豹萬
里走方息悲哉世上人甘此羶腥食

贈劉藍田

籬中犬迎吠出屋候柴扉歲晏輸井稅山村人
夜歸晚田始家食餘布成我衣詎肯無公事煩
君聞是非

贈房盧氏瑄

達人無不可忘已愛蒼生豈復少十室絃歌在
兩楹浮人日已歸但坐事農耕桑榆鬱相望邑
里多雞鳴秋山一何淨蒼翠臨寒城視事兼偃
臥對書不簪纓蕭條人吏踈鳥雀下空庭鄙夫
心所向高晚節異平生將從海岳居守靜解天刑

十元作十

或可累安邑茅茨君試營

贈祖三詠

濟州官舍作

蠨蛸挂虛牖蟋蟀鳴前除歲晏涼風至君子復
何如高館閒無人離居不可道閑門寂已閉落
日照秋草雖有近音信千里阻河關中復客汝
穎去年歸舊山結交二十載不得一日展貧病
子旣深契闊余不淺仲秋雖未歸暮秋以爲期
良會詎幾日終自長相思

春夜竹亭贈錢少府歸藍田

夜靜羣動息時聞隔林犬卻憶山中時人家澗

西遠羨君明發去采薇輕軒冕

訓前

錢起

山月隨客來主人興不淺今宵竹林下誰覺花
源遠惆悵曙鶯啼孤雲還絕巘

贈張五弟諲三首時在常樂東園走筆成

吾弟東山時心尚一何遠日高猶自臥鐘動始
能飯領上髮未梳牀頭書不卷清川與悠悠空
林對偃蹇青苔石上淨細草松下軟窻外鳥聲
閑階前虎心善徒然萬像多澹爾太虛緬一知
與物平自顧爲人淺對君忽自得浮念不煩遣

張弟五車書讀書仍隱居染翰過草聖賦詩輕
子虛閉門二室下隱居十年餘宛是野人也野時
從漁父魚漁秋風日蕭索五柳高且踈望此去人
世渡水向吾廬歲宴同携手只應君與予

設置守鳧兔垂釣同游鱗此是安口腹非關慕
隱淪吾生好清靜蔬食去情塵今子方豪蕩思
爲鼎食人我家南山下動息自遺身入鳥不相
亂見獸皆相親雲霞成伴侶虛白侍衣巾何事
須夫子邀予谷口真

至滑州隔河望黎陽憶丁三寓

隔河見桑柘藹藹黎陽川望望行漸遠孤峰沒
雲烟故人不可見河水復悠然賴有政聲遠時
聞行路轉

秋夜獨坐懷內弟崔興宗

夜靜羣動息蟋蟀聲悠悠庭槐北風響日夕方
高秋思子整羽翰及時當雲浮吾生將白首歲
晏思滄洲高足在旦暮肯爲南敏儔

胡居士臥病遺米因贈

了觀四大因根性何所有妄計苟不生是身孰
休咎色聲何謂客陰界復誰守徒言蓮花目豈

惡楊枝肘旣飽香積飯不醉聲聞酒有無斷常
見生滅幻夢受即病即實相趨空定狂走無有
一法真無有一法垢居士素通達隨宜善抖擻
牀上無氈臥鍋中有粥否齋時不乞食定應空
漱口聊持數斗米且救浮生取

贈裴十迪

風景日夕佳與君賦新詩澹然望遠空如意方
支頤春風動百草蘭蕙生我籬曖曖日暖閨田
家來致詞欣欣春還臯淡淡水生陂桃李雖未
開萸萸滿芳枝請君理還策敢告將農時

與胡居士皆病寄此詩兼示學人二首
一興微塵念橫有朝露身如是觀蔭界何方置
我人礙有固爲主趣空寧捨賓洗心詎懸解悟
道正迷津因愛果生病從貪始覺貧色聲非彼
妄浮幻即吾真四達竟何遣萬殊安可塵胡生
但高枕寂寞與誰鄰戰勝不謀食理齊甘負薪
子若未始異詎論踈與親

浮空徒漫漫汎有定悠悠無乘及乘者所謂智
人舟詎捨貧病域不疲生死流無煩君喻馬任
以我爲牛植福祠迦葉求仁笑孔丘何津不鼓

棹何路不摧輒念此聞患者胡爲多阻修空虛
花聚散煩惱對稀稠滅想成無記生心坐有求
降吳復歸蜀不到莫相尤

華岳

西岳出浮雲積翠在大清連天疑黛色百里遙
青冥白日爲之寒森沈華陰城昔聞乾坤閉造
化生巨靈右足踏方止左手推削成天地忽開
拆大河注東溟遂爲西峙岳雄雄鎮秦京大君
包覆載至德被羣生上帝佇昭告金天思奉迎
人祇望幸久何獨禪云亭

藍田山石門精舍

落日山水好漾舟信歸風玩奇不覺遠因以緣
源窮遙愛雲水秀初疑路不同安知清流轉偶
與前山通捨舟理輕策果然愜所適老僧四五
人逍遙蔭松栢朝梵林未曙夜禪山更寂道心
及牧童卅事問樵客暝宿長林下焚香臥瑤席
澗芳襲人衣山月映石壁再尋畏迷誤明發更
登歷笑謝桃源人花紅復來覲

一云澗風吹人衣

青溪

言入黃花川每逐青溪水隨山將萬轉趣途無

百里聲喧亂石中色靜深松裏漾漾汎菱苳澄
澄映葭葦我心素已閑清川澹如此請畱盤石
上坐釣將已矣

崔濮陽兄季重前山興

對山西去亦
對維門

秋色有佳興況君池上閑悠悠西林下自識門
前山千里橫黛色數峯出雲間嵯峨對秦國合
沓藏荆關殘雨斜日照夕嵐飛鳥還故人今向
爾嘆息此顏顏

石處士山居

君子盈天階小人甘自免方隨鍊金客林上家

絕巘背嶺花未開入雲樹深淺清晝猶自眠山
鳥時一轉

丁寓田家有贈

君心尚棲隱久欲傍歸路在朝每爲言解印果
成趣晨雞鳴鄰里羣動從所務農夫行餉田閨
婦起縫素開軒御衣服散帙理章句時吟招隱
詩或製閑居賦新晴望郊郭日映桑榆暮陰盡
小苑城微明渭川樹揆予宅閤井幽賞何由屢
道存終不忘迹異難相遇此時惜離別再來芳
菲度

渭川田家

斜光照墟落窮巷牛羊歸野老念牧童倚杖候
荆扉雉鳴麥苗秀蠶眠桑葉稀田夫荷鋤至相
見語依依即此羨閑逸悵然吟式微

春中田園作

屋上春鳩鳴村邊杏花白持斧伐遠楊荷鋤覘
泉脈歸燕識故巢舊人看新曆臨觴忽不御惆
悵遠行客

過李揖宅

閑門秋草色終日無車馬客來深巷中犬吠寒

稀東海奉
端

東海奉作字
下有二首三字
其二即屏居
淇水上篇也
故東海奉舊

林下散髮時未簪道書行尚把與我同心人樂
道安貧者一罷宜城酌還歸洛陽社

飯覆釜山僧

晚知清淨理日與人羣踈將候遠山僧先期掃
弊廬果從雲峰裏顧我蓬蒿居藉草飯松屑焚
香看道書燃燈晝欲盡鳴磬夜方初已悟寂爲
樂此生閑有餘思歸何必深身世猶空虛

謁璿上人并序

上人外人內天不定不亂捨法而淵泊無心而
雲動色空無得不物物也嘿語無際不言言也

故吾徒得神交焉玄關大啓德海羣泳時雨旣
降春物具美序於詩者人百其言

少年不足言識道年已長事往安可悔餘生幸
能養誓從斷臂血不復嬰世網浮名寄纓珮空
性無羈鞅夙承大導師焚香此瞻仰頽然居一
室覆載紛萬象高柳早鶯啼長廊春雨響牀下
阮家屐牕前昂竹杖方將見身雲陋彼示天壤
一心在法要願以無生獎

王摩詰集卷第一

王摩詰集卷第二

五言古詩

送魏郡李太守赴任

與君伯氏別又欲與君離君行無幾日當復隔
山陂蒼茫秦川盡日落桃林塞獨對臨關門黃
河向天外前經洛陽陌宛洛故人稀故人離別
盡淇上轉驂駢企予悲送遠惆悵睢陽路古木
官渡平秋城鄴宮故想君行縣日其出從如雲
遙思魏公子復憶李將軍

送康太守

城下滄江水江邊黃鶴樓朱欄將粉堞江水映
悠悠鏡吹發夏口使君居上頭郭門隱楓岫候
吏趨蘆洲何異臨川郡還來康樂侯

送陸貞外

郎署有伊人居然古人風天子顧河北詔書除
征東拜手辭上官援步出南宮九河平原外七
國薊門中陰風悲枯桑古塞多飛蓬萬里不見
虜蕭條胡地空無爲費中國更欲邀奇功進遲
前相送握手嗟異同行當封侯歸肯訪南山翁

送宇文太守赴宣城

除元奉錄

東岳海奉

嗟東海奉
詰

遼落雲外山迢遙舟中賞鏡吹發西江秋空多
清響地迥古城蕪月明寒潮廣時賽敬亭神復
解罟師網何處寄相思南風搖五兩

送綦母校書棄官還江東

明時久不達棄置與君同天命無怨色人生有
素風念君拂衣去四海將安窮秋天萬里淨日
暮澄江空清夜何悠悠扣舷明月中和光漁鳥
際澹爾蒹葭叢無庸客昭世衰鬢白如蓬頑踈
暗人事僻陋遠天聰微物縱可採其誰爲至公
今亦從此去歸耕爲老農

送六舅歸陸渾奉

伯舅吏淮泗卓魯方喟然悠哉自不競退耕東
臯田條桑臘月下種杏春風前酌醴賦歸去共
知陶令賢

送別

下馬飲君酒問君何所之君言不得意歸臥南
山陲但去莫復問白雲無盡時

送張五歸山

送君盡惆悵復送何人歸幾日同携手一朝先
拂衣東山有茅屋幸爲歸荆扉當亦謝官去豈

歸東海亭
掃

令心事違

齊州送祖三

相逢方一笑相送還成泣祖帳已傷離荒城復
愁入天寒遠山淨日暮長河急解纜君已遙望
君猶佇立

送縉雲苗太守

手疏謝明主腰章爲長吏方從會稽郊郊更發汝
南騎按節下松陽清江響鏡吹露冕見三吳方
知百城貴

送從弟蕃遊淮南

元奉郎

讀書復騎射帶劍遊淮陰淮陰少年輩千里遠
相尋高義難自隱明時寧陸沈島夷九州外泉
館三山深席帆聊問罪卉服盡成擒歸來見天
子拜爵賜黃金忽思鱸魚膾復有滄洲心天寒
蒹葭渚日落雲夢林江城下楓葉淮上聞秋砧
送歸青門外車馬去駸駸惆悵新豐對空餘天
際禽

送權二

高人不可有清論復何深一見如舊識一言知
道心明時當薄宦解薛去中林芳草空隱處白

雲餘故岑韓侯久攜手河嶽共幽尋悵別千餘
里臨堂鳴素琴

送高道弟耽歸臨淮作

座上成

少年客淮泗落魄居下邳遨遊向燕趙結客過
臨淄山東諸侯國迎送紛交馳自爾厭遊俠閉
戶方垂帷深明戴家禮頗學毛公詩備知經濟
道高臥陶唐時聖主詔天下賢人不得遺公吏
奉纁組安車去茅茨君王蒼龍闕九門十二達
羣公朝謁罷冠劍下丹墀野鶴終踉蹌威鳳徒
參差或問理人術但致還山詞天書降北闕賜

帛歸東菑都門謝親故行路日逶遲孤帆萬里
外森漫將何之江天海陵郡雲日淮陰祠杳冥
滄洲上蕩漭無人知緯蕭或賣藥出處安能期

送別

聖代無隱者英靈盡來歸遂令東山客不得顧
採薇既至金門遠孰云吾道非江淮渡寒食京
洛縫春衣置酒臨長道同心與我違行當浮桂
棹未幾拂荆扉遠封帶行客孤城當落暉吾謀
適不用勿謂知音稀

送張舍人佐江州同薛據十韻

走筆成

東帶趨承明守官唯謁者清晨聽銀蚪薄暮辭
金馬受辭未嘗易當是方知寡清範何風流高
文有風雅忽佐江上州當自潯陽下逆旅到三
湘長途應百舍香爐遠峰出石鏡澄湖瀉董奉
杏成林陶潛菊盈把范蠡常好之廬山我心也
送君思遠道欲以數行洒

送韋大夫東京留守

人外遺世慮空端結遐心曾是巢許淺始知堯
舜深蒼生詎有物黃屋如喬林上德撫神運沖
和穆宸襟雲雷康屯難江海遂飛沉天工寄人

英龍衮瞻君臨名器苟不假保釐固其任素質
貫方領清景照華簪慷慨念王室從容獻官箴
雲旗蔽三川畫角發龍吟晨揚天漢聲夕卷大
河陰窮父業已寧逆虜遺之擒然後解金組拂
衣東山岑給事黃門省秋光正沉沉功名與身
退老病隨年侵君子從相訪重玄其可尋

留別山中溫古上人允并示舍弟縉

解薛登天朝去師偶時哲豈唯山中人兼負松
上月宿昔同遊止致身雲霞未開軒臨潁陽臥
視飛鳥没好依盤石飯屢對瀑泉渴理齊少狎

省字下李海
本缺五字

隱道勝寧外物舍弟官崇高宗兄此削髮荆扉
但灑掃乘閑當過歇

觀別者

青青楊柳陌陌上別離人愛子遊燕趙高堂有
老親不行無可養行去百憂新切切委兄弟依
依向四鄰都門帳飲畢從此謝親賓揮淚逐前
侶含悽動征輪車徒望不見時見起行塵余亦
辭家久看之淚滿巾

別弟縉後登青龍寺望藍田山

陌上新別離蒼茫四郊晦登高不見君故山復

比
此東海亭

雲外遠封蔽行人長天隱秋塞心悲宦遊子何處飛征蓋

別弟妹二首

兩妹日成長雙鬟將及人已能持寶瑟自解掩羅中念昔別時小未知踈與親今來始離恨拭淚方慙慙

小弟更孩幼歸來不相識同居雖漸慣見人猶未覓宛作越人語殊甘水鄉食別此最爲難淚盡有餘憶

別綦母潛

端笏明光宮歷稔朝雲陞詔春延閣書高議平津邸適意輕偶人虛心削繁禮盛得江左風彌工建安體高張多絕絃截河有清濟嚴冬爽羣木伊洛方清泚渭水冰下流潼關雪中啓荷篠幾時還塵纓待君洗

新晴晚望

新晴原野曠極目無氛垢郭門臨渡頭村對連溪口白水明田外碧峰出山後農月無閑人傾家事南畝

晦日遊大理韋卿城南別業

四聲次用各六韻

與世澹無事自然江海人側聞塵外遊解鞵靴
朱輪平野照暄景上天坐春雲張組共曲阜汎
舟過東鄰故鄉信高會牢醴及佳辰幸同擊壤
樂心荷堯爲君一作家臣

郊居杜陵下永日同携手人里謁川陽平原見
峰首園廬鳴春鳩林薄媚新柳上卿始登席故
老前爲壽臨當遊南陂約略執杯酒歸與絀微
官惆悵心自咎

冬中餘雪在墟上春流駛風日暢懷抱山川好
天氣彫胡先晨炊庖膾亦後至高情浪海岳浮

生寄天地君子外簪纓埃塵良不啻所樂衡門
中陶然忘其貴

高館臨澄陂曠然蕩心目澹淡淡蕩動雲天玲瓏映
墟曲鵲巢結空林雉雊響幽谷應接無閑暇徘
徊以躑躅紆組上春堤側弁倚喬木弦望忽已
晦後期洲應綠

冬日遊覽

步出城東門試騁千里日青山橫蒼林赤日圍
平陸渭北走邯鄲關東出函谷秦地萬方會來
朝九州牧雞鳴咸陽中冠蓋相追逐丞相過列

淡蕩
本澹淡
吳華澹
淡

侯羣公餞光祿相如方老病獨歸茂陵宿

自大散以往深林密竹蹬道盤曲四五
十里至黃牛嶺見黃花川

危徑幾萬轉數里將三休迴環見徒侶隱映隔
林丘颯颯松上雨潺潺石中流靜言深溪裏長
嘯高山頭望見南山陽白露靄悠悠青臯麗已
淨綠對鬱如浮曾是厭蒙密曠然消人憂

休假還舊業便使

謝病始告歸依依入桑梓家人皆佇立相候衡
門裏時輩皆長年成人舊童子上堂嘉慶畢顧

南山陽一作
南陽川
露英年作
日

與姻親齒論舊忽餘悲日存且相喜田園轉蕪
沒但有寒泉水衰柳日蕭條秋光清邑里入門
乍如客休騎非便止中飯顧王程離憂從此始

早入滎陽界

汎舟入滎澤茲邑乃雄藩河曲間閭隘川中烟
火繁因人見風俗入境聞方言秋田晚疇盛朝
光市井喧漁商波上客鷄犬岍傍村前路白雲
外孤帆安可論

宿鄭州

朝與周人辭暮投鄭人宿他鄉絕儔侶孤客親

僮僕宛洛望不見秋霖晦平陸田父草際歸村
童雨中牧主人東臯上時稼遶茅屋蟲思機杼
悲雀喧禾黍熟明當渡京水昨晚猶金谷此去
欲何言窮邊徇微祿

渡河到清河作

汎舟大河裏積水窮天涯天波忽開拆郡邑千
萬家行復見城市宛然有桑麻迴瞻舊鄉國森
漫連雲霞

苦熱

赤日滿天地火雲成山岳草木盡焦卷川澤皆

竭涸輕紈覺衣重密樹告陰薄莞簟不可近絺
綌再三濯思出宇宙外曠然在寥廓長風萬里
來江海蕩煩濁却顧身爲患始知心未覺忽入
甘露門宛然清涼樂

納涼

喬木萬餘株清流貫其中前臨大川口豁達來
長風連漪涵白沙素鮪如遊空偃卧盤石上翻
濤沃微躬漱流復濯足前對釣魚翁貪餌凡幾
許徒思蓮葉東

濟上四賢詠

崔錄事

解印歸田里賢哉此丈夫少年曾任俠晚節更
爲儒遁世東山下因家滄海隅已聞能狎鳥余
欲共乘桴

成文學

寶劍千金裝登君白玉堂身爲平原客家有邯
鄲娼使氣公卿座論心遊俠場中年不得志謝
病客遊梁

鄭霍二山人

翩翩繁華子多出金張門幸有先人業早蒙明

主恩童年且未學肉食鶩華軒豈乏中林士無
人薦至尊鄭公老泉石霍子安丘樊賣藥不二
價著書盈萬言息陰無惡水飲水必清源吾賤
不及議斯人竟誰論

偶然作六首

楚國有狂夫茫然無心想散髮不冠帶行歌南
陌上孔丘與之言仁義莫能獎未嘗肯問天何
事須擊壤復笑採薇人胡爲乃長往

田舍有老翁坐白衡門裏有時農事閑斗酒呼
鄰里喧聒茅簷下或坐或復起短褐不爲薄園

癸固足美動則長子孫不曾向城市五帝與三
王古來稱天子干戈將揖讓畢竟何者是得意
苟爲樂野田安足鄙且當放懷去行行沒餘齒
日夕見太行沉吟未能去問君何以然世網嬰
我故小妹日成長兄弟未有娶家貧祿旣薄儲
蓄非有素幾迴欲奮飛踟躕復相顧孫登長嘯
臺松竹有遺處相去詎幾許故人在中路愛染
日已薄禪寂日已固忽呼吾將行寧俟歲云暮
陶潛任天真其性頗耽酒自從棄官來家貧不
能有九月九日時菊花空滿手中心竊自思倘

天子年海奉君
子勝禮運此六
君子老

有人送否白衣携壺觴果來遺老叟且喜得斟
酌安問升與斗奮衣野田中今日嗟無負兀傲
迷東西蓑笠不能守傾倒強行行酣歌歸五柳
生事不曾問肯媿家中婦

趙女彈箜篌復能邯鄲舞夫壻輕薄兒鬪雞事
齊主黃金買歌笑用錢不復數許史相經過高
門盈四牡客舍有儒生昂藏出鄒魯讀書三十
年腰下無尺組被服聖人教一生自窮苦
老來嬾賦詩惟有老相隨宿世謬詞客前身應
畫師不能捨餘習隅被世人知名字本皆是此

心還不知

西施詠

艷色天下重西施寧久微朝爲溪越女暮作吳
宮妃賤日豈殊衆貴來方悟稀邀人傳脂粉不
自着羅衣君寵益嬌態君憐無是非當時浣沙
伴莫得同車歸持謝鄰家子數噸安可希

李陵詠

時年十九

漢家李將軍三代將門子結髮有奇策少年成
壯士長驅塞上兒深入單于里旌旗列相向蕭
鼓悲何已日暮沙漠陞戰聲烟塵裏將令驕虜

滅豈獨名王侍既失大軍援遂嬰穹廬耻少小
蒙漢恩何堪坐思此深衷欲有報投軀未能死
引領望子卿非君誰相理

鷲子龕禪師詠

山中燕子龕路劇羊腸惡裂地競盤屈插天多
峭嶮瀑泉吼而噴怪石看欲落伯雨訪未知五
丁愁不鑿上人無生緣生長居紫閣六時自槌
磬一飲尚帶索種田燒白雲斫漆響丹壑行隨
拾栗猿歸對巢松鶴時許山神請偶逢洞仙博
救世多慈悲即心無行作周商倦積阻蜀物多

淹泊巖腹乍旁穿澗唇時外拓橋因倒對架柵
值坐藤縛鳥道悉已平龍宮爲之涸跳波誰揭
厲絕壁免捫摸山木日陰陰結跣歸舊林一向
石門裡任君春草深

羽林騎閨人

秋月臨高城城中管絃思離人堂上愁稚子塔
前戲出門復映戶望望青絲騎行人過欲盡狂
夫終不至左右寂無言相看共坐淚

冬夜書懷

冬宵寒且永夜漏宮中發草白靄繁霜木衰澄

征狂東海本

清月麗服映頰顏朱燈照華髮漢家方尚少顧
影慙朝謁

早朝

皎潔明星高蒼茫遠天曙槐霧暗語不開城鴉鳴
稍去始聞高閣聲莫辨更衣處銀燭已成行金
門儼駟馭

寓言

朱紱誰家子無乃金張孫驪駒從白馬出入銅
龍門問爾何功德多承明主恩鬪雞平樂館射
雉上林園曲陌車騎盛高堂珠翠繁柰何軒冕

貴不與布衣言

君家御溝上坐柳夾朱門列昂會中貴鳴珂朝
至尊生死在八議窮達由一言須識苦寒士莫
矜狐白溫

獻始興公

寧棲野樹林寧飲澗水流不用坐梁肉崎嶇見
王侯鄙哉匹夫節布褐將白頭任智誠則短守
仁固其憂側聞大君子安問黨與讐所不賣公
器動爲蒼生謀賤子跪自陳可爲帳下不感激
有公議曲私非所求

哭殷遙

人生能幾何畢竟歸無形念君等爲死萬事傷
人情慈母未及葬一女纔十齡決瀉寒郊外蕭
條聞哭聲浮雲爲蒼茫飛鳥不能行行人何寂
寞白日自淒清憶昔君在時問我學無生勸君
苦不早令君無所成故人各有贈又不及平生
負爾非一途痛哭返柴荆

歎白髮

我年一何長鬢髮日已白俛仰天地間能爲幾
時客惆悵故山雲徘徊空日夕何事與時人東

城復南陌

故南陽夫人樊氏挽歌

石窳恩榮重金吾車騎盛將朝每贈言入室還
相敬疊鼓秋城動懸旌寒日映不言長不歸環
珮猶將聽

王摩詰集卷第二

王摩詰集卷第三

七言古詩

登樓歌

聊上君兮高樓飛甍鱗次兮在下俯十二兮通
衢綠槐參差兮車馬卻瞻兮龍首前眺兮宜春
王畿鬱兮千里山河壯兮咸秦舍人下兮青宮
據胡牀兮書空執戟疲於下位老夫好隱兮牆
東亦幸有張伯英草聖兮龍騰虬躍擺長雲兮
捩迴風琥珀酒兮彫胡飯君不御兮日將晚秋
風兮吹衣夕鳥兮爭返孤砧發兮東城林薄暮

兮蟬聲遠時不可兮再得君何爲兮偃蹇

夷門歌

七雄雄雌猶未分攻城殺將何紛紛秦兵益圍
邯鄲急魏王不救平原君公子爲嬴停駟馬執
轡愈恭意愈下亥爲屠肆鼓刀人嬴乃夷門抱
關者非但慷慨獻奇謀意氣兼將身命酬向風
刎頸送公子七十老翁何所求

雙黃鵠歌送別

時為節度判官在涼府作

天路來兮雙黃鵠雲上飛兮水上宿撫翼和鳴
整羽族不得已忽分飛家在玉京朝紫微主人

臨水送將歸悲笳嘹淚垂舞衣賓欲散兮復相
依幾往返兮極浦尚徘徊兮落暉岸上火兮相
迎將夜入兮邊城鞍馬歸兮佳人散悵離憂兮
獨含情

新秦郡松樹歌

青青山上松數里不見今更逢不見君心相憶
此心向君君應識爲君顏色高且閑亭亭迥出
浮雲間

青雀歌

青雀翅羽短未能遠食玉山禾猶勝黃雀爭上

下唧唧空倉復若何

同前

盧象

啾啾青雀兒飛來飛去仰天池
逍遙飲啄安涯分何假扶搖九萬爲

同前

王縉

林間青雀兒來往翩翩繞一枝
莫言不解銜環報但問君恩今若爲

同前

崔興宗

青扈繞青林翩翩陋體一微禽
不應長在藩籬下他日凌雲誰見心

同前

裴迪

動息自適性不曾妄與鷲雀羣
幸忝鴛鴦早相識何時提携致青雲

贈徐中書望終南山歌

晚下兮紫微悵塵事兮多違
駐馬兮雙樹望青山兮不歸

送友人歸山歌二首

山寂寂兮無人又蒼蒼兮多木
群龍兮滿朝君何爲兮空谷
文寡和兮思深道難知兮行獨悅
石上兮流泉與松間兮草屋入雲中兮養雞上

山頭兮抱犢神與棗兮如瓜虎賣杏兮收穀愧
不才兮妨賢嫌既老兮貪祿誓解印兮相從何
詹尹兮可卜

山中人兮欲歸雲冥冥兮雨霏霏水驚波兮翠
管靡白鷺忽兮翻飛君不可兮褰衣山萬重兮
一雲混天地兮不分樹晦曖兮氛氲猿不見兮
空聞忽山西兮夕陽見東臯兮遠村平蕪綠兮
千里眇惆悵兮思君

魚山神女祠歌二首

迎神曲

坎坎擊鼓魚山之下吹洞簫望極浦女巫進紛
屢舞陳瑤席湛清醕風淒淒兮夜雨神之來兮
不來使我心兮苦復苦

送神曲

紛進拜兮堂前日春春兮瓊筵來不語兮意不
傳作暮雨兮愁空山悲急管思繁絃靈之駕兮
儼欲旋倏雲收兮雨歇山青青兮水潺湲

隴頭吟

長城少年游俠客夜上戍樓看太白隴頭明月
迥臨關隴上行人夜吹笛關西老將不勝愁駐

馬聽之雙淚流身經大小百餘戰麾下偏裨萬
戶侯蘇武才爲典屬國節旄空盡海西頭

老將行

少年十五二十時步行奪取胡馬騎射殺山中
白額虎肯數鄴下黃鬚兒一身轉戰三千里一
劍曾當百萬師漢兵奮迅如霹靂虜騎崩騰畏
疾藜衛青不敗由天幸李廣無功緣數奇自從
棄置便衰朽世事蹉跎成白首昔時飛箭無全
目今日垂楊生左肘路傍時賣故侯瓜門前學
種先生柳茫茫古木連窮巷遼落寒山對虛牖

誓令踈勒出飛泉不似潁川空使酒賀蘭山下
陣如雲羽檄交馳日夕聞節使三河募年少詔
書五道出將軍試拂鐵衣如雪色聊持寶劍動
星文願得燕弓射天將耻令越甲鳴吳軍莫嫌
舊日雲中守猶堪一戰立功勳

燕支行

時年二十一

漢家天將才且雄來時謁帝明光宮萬乘親推
雙闕下千官出餞五陵東誓辭甲第金門裏身
作長城玉塞中衛霍才堪一騎將朝廷不數貳
師功趙魏燕韓多勁卒關西俠少何咆勃報讐

只是聞嘗膽飲酒不曾妨刮骨畫戟雕戈白日
寒連旗大旆黃塵沒疊鼓遙翻瀚海波鳴笳亂
動天山月麒麟錦帶佩吳鉤颯踏青驥躍紫騮
拔劍已斷天驕臂歸鞍共飲月支頭漢兵大呼
一當百虜騎相看哭且愁教戰雖令赴湯火終
知上將先伐謀

桃源行

時年十九

漁舟逐水愛山春兩岸桃花夾去津坐看紅樹
不知遠行盡青溪不見人山口潛行始隈隩山
開曠望旋平陸遙看一處攢雲樹近入千家散

花竹樵客初傳漢姓名居人未改秦衣服居人
共住武陵源還從物外起田園月明松下房櫳
靜日出雲中雞犬喧驚聞俗客爭來集競引還
家問都邑平明閭巷掃花開薄暮漁樵乘水入
初因避地去人間更問成仙遂不還峽裏誰知
有人事世中遙望空雲山不疑靈境難聞見塵
心未盡思鄉縣出洞無論隔山水辭家終擬長
游行自謂經過舊不迷安知峯壑今來變當時
只記入山深青溪幾度到雲林春來遍是桃花
水不辨仙源何處尋

洛陽女兒行 時年十八

洛陽女兒對門居，纔可顏容十五餘。良人玉勒乘驄馬，侍女金盤膾鯉魚。畫閣朱樓盡相望，紅桃綠柳垂簷向。羅帷送上七香車，寶扇迎歸九華帳。狂夫富貴在青春，意氣驕奢劇季倫。自憐碧玉親教舞，不惜珊瑚持與人。春窗曙滅九微火，九微片片飛花璫。戲罷曾無理曲時，粧成祇是薰香坐。城中相識盡繁華，日夜經過趙李家。誰憐越女顏如玉，貧賤江頭自浣沙。

白鼈渦

雜言走筆

南山之瀑水兮，激石湍瀑似雷驚人。相對兮不聞語聲，翻渦跳沫兮蒼苔濕蘚。老且厚，春草爲之不生。獸不敢驚動，鳥不敢飛鳴。白鼈渦濤戲漱兮，委身以縱橫。主人之仁兮，不網不釣，得遂性以生成。

黃雀癡

雜言走筆

黃雀癡，黃雀癡。謂言青鷺是我兒，一一口銜食。養得成，毛衣到大啣。啾解游颺，各自東西南北。飛薄暮，空巢上羈雌。獨自歸，鳳凰九雛亦如此。慎莫愁，思顛顛。損容輝。

贈裴迪

雜言

不相見不相見來久日月日日泉水頭常憶同攜手
攜手本同心復嘆忽分襟相憶今如此相思深
不深

榆林群歌

山頭松柏林山下泉聲傷客心千里萬里春草
色黃河東流流不息黃龍戍上游俠兒愁逢漢
使不相識

問寇校書雙溪

雜言

君家少室西爲復少室東別來幾日今春風新

新買雙溪定何似餘生欲寄白雲中

寄崇梵僧

雜言

崇梵僧崇梵僧秋歸覆金春不還落花啼鳥紛
紛亂澗戶山牕寂寂閑峽裡誰知有人事郡中
遙望空雲山

奉和聖製天長節賜宰臣歌應制

太陽升兮照萬方開閭闔兮臨玉堂儼冕旒兮
垂衣裳金天淨兮麗三光彤庭曙兮延八荒德
合天兮禮神遍靈芝生兮慶雲見唐堯后兮稷
高臣匝宇宙兮華胥人盡九服兮皆四鄰乾降

瑞兮坤獻珍

同崔傳答賢弟

洛陽才子姑蘇客桂苑殊非故鄉陌九江楓樹
幾回青一片揚州五湖白揚州時有下江兵蘭
陵鎮前吹笛聲夜火人歸富春郭秋風鶴唳石
頭城周郎陸弟爲儔侶對舞前溪歌白紵曲机
書留小史家草堂碁賭山陰墅衣冠若話外臺
臣先數夫君席上珍更聞臺閣求三語遙想風
流第一人

同比部揚負外十五夜遊有懷靜者李

雜言

承明少休沐建禮省文書夜漏行人息歸鞍落
日餘懸知三五夕萬戶千門闌夜出曙翻歸傾
城滿南陌陌頭馳騁盡繁華王孫公子五侯家
由來月明如白日共道春燈勝百花聊看侍中
千寶騎強識小婦七香車香車寶馬共喧闐箇
裏多情俠少年競向長楊柳市北肯過精舍竹
林前獨有仙郎心寂寞却將宴坐爲行樂儻覺
忘懷共往來幸霑同舍甘藜藿

故人張諲工詩善易卜兼能丹青草隸
頃以詩見贈聊獲訓之

東海家本
置知三五
夕

不逐城東遊俠兒，隱囊紗帽坐彈碁。蜀中夫子
時開卦洛下，書生解詠詩藥欄。花逕衡門裏，時
復據梧聊隱几。屏風誤點惑孫郎，團扇草書輕
內史。故園高枕度三春，永日垂帷絕四鄰。自想
蔡邕今已老，更將書籍與何人。

贈吳官

長安客舍熱如煮，無箇茗糜難御暑。空搖白團
其諦苦，欲向纒囊還歸旅。江鄉鯖鮓不寄來，秦
人湯餅那堪許。不如儂家任挑達，草屨綳蝦富
春渚。

雪中憶李揖

雜言

積雪滿阡陌，故人不可期。長安千門復萬戶，何
處躑躅黃金羈。

送崔五太守

長安廐吏來到門，未央露網動行軒。黃花縣西
九折坂，玉樹宮南五丈原。褒斜谷中不容噫，唯
有白雲當露冕。子午山裏杜鵑啼，嘉陵水頭行
客飯。劒門忽斷蜀川開，萬井雙流滿眼來。露中
遠樹，刀州出天際。澄江巴字迴，使君年幾三十
餘。少年白晢專城居，欲持畫省郎官筆。迴與臨

邛父老書

送李睢陽

將置酒思悲翁使君去出城東麥漸漸雉子班
槐陰陰到潼關騎連連車遲遲心中悲宋又遠
周間之南淮夷東齊兒碎碎織練與素絲遊人
賈客信難持時五穀前熟方可爲下車閉閣君當
思天子當殿儼衣裳太官尚食陳羽觴彤庭散
綬垂鳴璫黃紙詔書出東廂輕紈疊綺爛生光
宗室子弟君最賢分憂當爲百辟先布衣一言
相爲死何況聖主恩如天鸞聲噦噦魯侯旗明

宋本騎連連
下空車遲
另起

年上計朝京師須憶今日斗酒別慎勿富貴忘
我爲

寒食城東即事

清溪一道穿桃李演漾綠蒲涵白芷溪上人家
凡幾家落花半落東流水蹴踘屢過飛鳥上鞦韆
競出垂楊裏少年分日作遨遊不用清明兼
上巳

不遇詠

北闕獻書寢不報南山種田時不登百人會中
身不預五侯門前心不能身投河朔飲君酒家

在茂陵平安否且此登山復臨水莫問春風動
楊柳今人昨人多自私我心不說君應知濟人
然後拂衣去肯作徒爾一男兒

荅張五弟

終南有茅屋前對終南山終年無客長閉關終
日無心長自閑不妨飲酒復垂釣君但能來相
往還

王摩詰集卷第三

王摩詰集卷第四

五言律詩

奉和聖製賜史供奉曲江宴應制

侍從有鄒枚瓊筵就水開言陪栢梁宴新下建
章來對酒山河滿移舟草樹迴天文同麗日駐
景惜行杯

從岐王過楊氏別業應教

揚子談經所淮王載酒過興闌啼鳥換坐久落
花多逕轉迴銀燭林開散玉珂嚴城時未啓前
路擁笙歌

從岐王夜讌衛家山池應教

座客香貂滿宮娃綺幔張澗花輕粉色山月少
燈光積翠紗窓暗飛泉繡戶涼還將歌舞出歸
路莫愁長

和尹諫議史館山池

雲館接天居霓裳侍玉除春池百子外芳樹萬
年餘洞有僊人籙山藏太史書君恩深漢帝且
莫上空虛

同崔員外秋宵寓直

建禮高秋夜承明候曉過九門寒漏徹萬井曙

鍾多月迥藏珠斗雲消出絳河更慚衰朽質南
陌共鳴珂

奉和楊駙馬六郎秋夜即事

高樓月似霜秋夜鬱金堂對坐彈盧女同看舞
鳳凰少兒多送酒小玉更焚香結束平陽騎明
朝入建章

訓嚴少尹徐舍人見過不遇

公門暇日少窮巷故人稀偶值乘藍輦非關避
白衣不知炊黍否誰解掃荆扉君但傾茶碗無
妨騎馬歸

慕容承瓊素饌見過

紗帽烏皮几閑居懶賦詩門看五柳識年筭六
身知靈壽君王賜彫胡弟子炊空勞酒食饌特
底解人願

訓慕容上

行行西陌返駐爐問車公挾轂雙官騎應門五
尺僮老年如塞北強起離牆東爲報壺丘子來
人道姓蒙

訓張少府

晚年唯好靜萬事不關心自顧無長策空知返

舊林松風吹解帶山月照彈琴君問窮通理漁
歌入浦深

喜祖三至留宿

門前洛陽客下馬拂征衣不枉故人駕平生多
掩扉行人返深巷積雪帶餘暉早歲同袍者高
車何處歸

荅

祖詠

四年不相見相見復何爲握手言未畢却令傷
別離升堂還駐馬酌醴便呼兒語嘿自相對安
用傍人知

酬虞部蘇負外過藍田別業不見畱之作

貧居依谷口喬木帶荒村石路枉迴駕山家誰
候門渙舟膠凍浦獵火燒寒原唯有白雲外踈
鍾聞夜猿

酬北部楊負外暮宿琴臺朝躋書閣率

爾見贈之作

舊簡拂塵看鳴琴候月彈桃源迷漢姓松樹有
秦官空谷歸人少青山背日寒羨君棲隱處遙
望白雲端

酬賀四贈葛巾之作

野巾傳惠好茲貺重兼金嘉此幽栖物能齊隱
吏心早朝方暫挂晚沐復來簪坐覺囂塵遠思
君共入林

輞川閑居贈裴秀才迪

寒山轉蒼翠秋水日潺湲倚仗柴門外臨風聽
暮蟬渡頭餘落日墟里上孤烟復值接輿醉狂
歌五柳前

寄荊州張丞相

所思竟何在悵望深荆門舉世無相識終身思

舊恩方將與農圃藝植老丘園日盡南無鴈鳥何
由寄一言

冬晚對雪憶胡居士家

寒更傳曉箭清鏡覽衰顏隔牖風驚竹開門雪
滿山灑空深巷靜積素廣庭閑借問袁安舍脩
然尚閉關

山居秋暝

空山新雨後天氣晚來秋明月松間照清泉石
上流竹喧歸浣女蓮動下漁舟隨意春芳歇王
孫自可留

終南別業

中歲頗好道晚家南山陲興來每獨往勝事空
自知行到水窮處坐看雲起時偶然值林叟談
笑無還期

山居即事

寂寞掩柴扉蒼茫對落暉鶴巢松樹遍人訪蕞
門稀綠竹含新粉紅蓮落故衣渡頭烟火起處
處採菱歸

韋給事山居

幽尋得此地詎有一人曾大壑隨堦轉羣山入

戶登庖厨出深竹印綬隔垂藤即事辭軒冕誰
云病未能

歸嵩山作

清川帶長薄車馬去閑閑流水如有意暮禽相
與還荒城臨古渡落日滿秋山迢遞嵩高下歸
來且閉關

歸輞川作

谷口踈鍾動渙樵稍欲稀悠然遠山暮獨向白
雲歸菱蔓弱難定楊花輕易飛東臯春草色惆
悵掩柴扉

終南山行

太一近天都連山到海隅白雲迴望合青靄入
看無分野中峰變陰晴衆壑殊欲投人處宿隔
水問樵夫

輞川閑居

一從歸白社不復到青門時倚簷前樹遠看原
上村青菰臨水映白鳥向山翻寂寞於陵子桔
槔方灌園

春園即事

宿雨乘輕屐春寒着弊袍開畦分白水間柳發

紅桃草際成碁局林端舉桔槔遠持鹿皮机日暮隱蓬蒿

淇上即事田園

屏居淇水上東野曠無山日隱桑柘外河明閭井間牧童望村去田犬隨人還靜者亦何事荆扉乘晝關

與盧象集朱家

主人能愛客終日有逢迎貫得新豐酒復聞秦女箏柳條踈客舍槐葉下秋城語笑且爲樂吾將達此生

過福禪師蘭若

巖壑轉微逕雲林隱法堂羽人飛奏樂天女跪焚香竹外峯偏曙藤陰水更涼欲知禪坐久行路長春芳

黎拾遺昕裴迪見過秋夜對雨之作

促織鳴已急輕衣行向重寒燈坐高館秋雨聞踈鐘白法調狂象玄言問老龍何人顧蓬逕空愧牛羊蹤

晚春嚴少尹與諸公見過

松菊荒三逕圖書共五車烹葵邀上客看竹到

貧家鵲乳先春草鷺啼過落花自憐黃髮暮一
信惜年華

過感化寺曇興上人山院

暮持筇竹杖相待虎溪頭催客聞山響歸房逐
水流野花叢發好谷鳥一聲幽夜坐空村寂松
風直侶秋

同詠

裴迪

不遠灞陵邊安居向十年入門穿竹逕留客聽
山泉鳥嘯深林裏心閑落照前浮名竟何益從
此願棲禪

夏日過青龍寺謁操禪師

龍鍾一老翁徐步謁禪宮欲問義心義遙知空
病空山河天眼裏世界法身中莫恠銷炎熱能
生大地風

同詠

裴迪

安禪一室內左右竹亭幽有法知不染無言誰
敢酬鳥飛爭向夕蟬噪已先秋煩暑自茲適清
涼何所求

鄭果州相過

麗日照殘春初晴草木新牀前磨鏡客樹下灌

園人五馬驚窮巷雙童逐老身中厨辨麤飯當
怒阮家貧

過香積寺

不知香積寺數里入雲峯古木無人逕深山何
處鐘泉聲咽危石日色冷青松薄暮空潭曲安
禪制毒龍

過崔駙馬山池

畫樓吹笛妓金椀酒家胡錦石稱貞女青松學
大夫脫貂貫桂醕射鴈與山厨聞道高陽會愚
公谷正愚

畫
書
在
海
亭

送李判官赴江東

聞道皇華使方隨皂蓋臣封章通左語冠冕化
文身樹色分楊子潮聲滿富春遙知辨壁吏恩
到泣珠人

送封太守

忽解羊頭削聊馳熊首轡揚舩發夏口按節向
吳門帆映丹陽郭楓攢赤岼村百城多候吏露
冕一何尊

楊
在
海
亭
丹

送嚴秀才還蜀

寧親爲令子似舅即賢甥別路經花縣還鄉入

錦城山臨青塞斷江向白雲平獻賦何時至明君憶長卿

送張判官赴河西

單車曾出塞報國敢邀勳見逐張征虜今思霍冠軍沙平連白雪蓬卷入黃雲慷慨倚長劍高歌一送君

送岐州源長史歸

同在崔常侍幕中時常侍已歿

握手一相送心悲安可論秋風正蕭索客散孟嘗門故驛通槐里長亭下堇原征西舊旌節此從此向河源

送張道士歸山

先生何處去王屋訪茅君別婦留丹訣驅雞入白雲人間苦難住天上復離羣當作遼城鶴仙歌使爾聞

同崔興宗送瑗公

言從石菌閣新下穆陵關獨向池陽去白雲留故山綻衣秋日裏洗鉢古松間一施傳心法唯將戒定還

同詠

前崔興宗

行苦神亦秀冷然溪上松銅瓶與竹枝枝來自祝

融峰常願入靈嶽藏經訪遺蹤南歸見長老且
爲說心曾

送錢少府還藍田

草色日向好桃源人去稀手持平子賦日送老
萊衣每候山櫻發時同海燕歸今年寒食酒應
得返柴扉

留別錢起

錢起

卑棲却得性每與白雲歸徇祿仍懷橘看山免
採薇暮禽先去馬新月待開扉霄漢時回首知
音青瑣闈

送丘爲往唐州

宛洛有風塵君行多苦辛四愁連漢水百口寄
隨人槐色陰清晝楊花惹暮春朝端肯相送天
子繡衣臣

留別丘爲

丘爲

歸鞍白雲外繚繞出前山今日又明日自知心
不閑親勞簪組送欲趁鶯花還一步一迴首遲
遲向近關

送元中丞轉運江淮

薄稅歸天府輕徭賴使臣歡沾賜帛老恩及卷

綃人去問珠官俗來經石劫春東南高亭上莫
使有風塵

送崔九興宗遊蜀

送君從此去轉覺故人稀徒御猶迴首田園方
掩扉出門當旅食中路授寒衣江漢風流地遊
人何處歸

送崔興宗

已恨親皆遠誰憐友復稀君王未西顧遊宦盡
東歸塞迥山河淨天長雲樹微方同菊花節相
待洛陽扉

送平淡然判官

不識陽關路新從定遠侯黃雲斷春色畫角起
邊愁瀚海經年到交河出塞流須令外國使知
飲月支頭

送孫秀才

帝城風日好況復建平家玉枕雙文簟金盤五
色瓜山中無魯酒松下飯胡麻莫厭田家苦歸
期遠復賒

送劉司直赴安西

絕域陽關道胡沙與塞塵三春時有鴈萬里少

行人首著隨天馬蒲桃陶逐漢臣今當外國懼不敢覓和親

送趙都督赴代州

得青字

天官動將星漢上柳條青萬里鳴刁斗三軍出井陘忘身辭鳳闕報國取龍庭豈學書生輩窓間老一經

送方城韋明府

遙思葭菼際寥落楚人行高鳥長淮水平蕪故郢城使車聽雉乳縣鼓應雞鳴若見州從事無嫌手扳迎

向東西本
中老元本
着

送李員外賢郎

少年何處去負米上銅梁借問阿戎父知爲童子郎魚牋請詩賦撞布作衣裳薏苡扶衰病歸來幸可將

何處東本
李云處

送梓州李使君

萬壑樹參天千山響杜鵑山中一夜雨樹杪百重泉漢女輸撞布巴人訟芋田文翁翻教授不敢倚先賢

送張五諲歸宣城

宋本無五字

五湖千萬里況復五湖西漁浦南陵郭人家春

穀溪欲歸江淼淼未到草萋萋憶想蘭陵鎮可
宜猿更啼

送友人南歸

萬里春應盡三江鴈亦稀連天漢水廣旅客郢
城歸鄖國稻苗秀楚人菰米肥懸知倚門望遙
識老萊衣

米車海本
菜

送賀遂員外外甥

南國有歸舟荆門沂上流蒼茫葭葦外雲水與
昭丘檣帶城烏去江連暮雨愁猿聲不可聽莫
待楚山秋

送楊長史赴果州

褒斜不容憶之子去何之鳥道一千里猿啼十
二時官橋祭酒客山木女郎祠別後同明月君
應聽子規

送邢桂州

鏡吹喧京口風波下洞庭赭圻將赤岬擊汰復
揚舲日落江湖白潮來天地青明珠歸合浦應
逐使臣星

送宇文三赴河西充行軍司馬

橫吹雜繁笳邊風卷塞沙還聞田司馬更逐李

輕車蒲壘成秦地莎居丘屬漢家當令犬戎國朝
聘學昆耶

送孫二

郊外誰相送夫君道術親書生鄒魯客才子洛
陽人祖席依寒草行車起暮塵山川何寂寞長
望淚沾巾

送崔二往密州覲省

南陌去悠悠東郊不少畱同懷扇枕戀獨念倚
門愁路遠天山雪家臨海樹秋魯連功未報且
莫蹈滄洲

送丘爲落第歸江東

憐君不得意況復柳條春爲客黃金盡還家白
髮新五湖三晦宅萬里一歸人知爾不能薦羞
爲獻納臣

春日上方即事

好讀高僧傳時看辟穀方鳩形將刻杖龜殼用
支床柳色春山映梨花夕鳥藏北窓桃李下閑
坐但焚香

漢江臨汎

楚塞三湘接荆門九派通江流天地外山色有

無中郡邑浮前浦波瀾動遠空襄陽好風日留
醉與山翁

登辨覺寺

竹逕從初地蓮峰出化城牕中三楚盡林上九
江平軟草承趺坐長松響梵聲空居法雲外觀
世得無生

涼州郊外遊望

野老才三戶邊村少四鄰婆娑依里社簫鼓賽
田神灑酒澆芻狗焚香拜木人女巫紛屢舞羅
襪自生塵

觀獵

風勁角弓鳴將軍獵渭城草枯鷹眼疾雪盡馬
蹄輕忽過新豐市還歸細柳營迴看射鵰處千
里暮雲平

汎前陂

秋空自明迥況復遠人間暢以沙際鶴兼之雲
外山澄波淡將夕清月皓方閑此夜任孤棹夷
猶殊未還

游李山人所居因題屋壁

世上皆如夢狂來或自歌問年松樹者有地竹

林多藥倩韓康賣門容尚子過翻嫌枕席上無
那白雲何

登河北城樓作

井邑傅巖上客亭雲霧間高城眺落日極浦映
蒼山岼火孤舟宿渙家夕鳥還寂寥天地暮心
與廣川閑

登裴迪秀才小臺作

迪
宋本無作字

端居不出戶滿目望雲山落日烏邊下秋原人
外閑遙知遠林際不見此簷間好客多乘月應
門莫上關

被出濟州

微官易得罪謫去濟川陰執正政方持法明君無
此心問閻河潤上井邑海雲深縱有歸來日各
愁年鬢侵

千塔主人

逆旅逢佳節征帆未可前窓臨汴河水門渡楚
人船雞犬散墟落桑榆蔭遠田所居人不見枕
席生雲烟

晚春閨思

新粧可憐色落日卷羅帷鑪氣清珍簾墻陰上

玉墀春蟲飛網戶暮雀隱花枝向晚多愁思
閑牕桃李時

使至塞上

單車欲問邊屬國過居延征蓬出漢塞歸鴈入
胡天大漠孤烟直長河落日圓蕭關逢候吏都
護在燕然

戲題示蕭氏外甥

憐爾解臨池渠爺未學詩老夫何足似弊宅倘
因之蘆笋穿荷葉菱花罨鴈兒郊公不易勝莫
着外家欺

秋夜獨坐

獨坐悲雙鬢空堂欲二更雨中山果落燈下草
蛩鳴白髮終難變黃金不可成欲知除老病唯
有學無生

待儲光羲不至

重門朝已啓起坐聽車聲要欲聞清珮方將出
戶迎晚鍾鳴上苑踈雨過春城了自不相顧臨
堂復空情

聽宮鶯

春樹遶宮牆春鶯轉曙光忽驚啼暫斷移處弄

還長隱葉棲承露攀花出未央遊人未應返爲
此思故鄉

早朝

柳暗百花明春深五鳳城城烏睥睨曉宮井轆
轤聲方朔金門侍班姬玉輦迎仍聞遣方士東
海訪蓬瀛

愚公谷三首

愚谷與誰去唯將黎子同非須一處住不那兩
心空寧問春將夏誰論西復東不知吾與子若
箇是愚公

吾家愚谷裏此谷本來平雖則行無跡還能響
應聲不隨雲色暗只待日光明緣底名愚谷都
由愚所成

借問愚公谷與君聊一尋不尋翻到谷此谷不
離心行處曾無險看時豈有深寄言塵世客何
處欲歸臨

雜詩

雙燕初命子五桃初新作花王昌是東舍宋玉次
西家小小能織綺時時出浣沙親勞使君問南
陌駐香車

過秦皇墓 時年十五

古墓成蒼嶺幽宮象紫臺星辰七曜隔河漢九
泉開有海人寧渡無春鴈不迴更聞松韻切疑
是大夫哀

故太子太師徐公挽歌四首

功德冠羣英彌綸有大名軒皇用風后傳說是
星精就第優遺老來朝詔不名留侯常辟穀何
苦不長生

謀猷爲相國翊贊奉乘輿劔履升前殿貂蟬說
後車齊侯疏土宇漢室賴圖書僻處留田宅仍

纔十頃餘

舊里趨庭日新年置酒辰聞詩鸞渚客獻賦鳳
樓人北闕辭明主東堂哭大臣猶思御朱輅不
惜汗車茵

又踐中台座終登上將壇許言斷車騎空憶盛
衣冠風日咸陽慘笳簫渭水寒無人當便闕應
罷太師官

故西河郡杜太守挽歌三首

天上去西征雲中護北平生擒白馬將連破黑
鵬城忽見芻靈苦徒聞竹使榮空留左氏傳誰

繼卜商名

返葬金符守同歸石窆棲卷衣悲畫翟持嬰待
鳴雞容衛都人慘山川駟馬嘶猶聞隴上客相
對哭征西

塗芻去國門祕噐出東園太守畱金印夫人罷
錦軒旌旄轉衰木簫鼓上寒原墳樹應西靡長
思魏闕恩

故南陽夫人樊氏挽歌

錦衣餘翟茀繡轂罷魚軒淑女詩長在天人法
尚存凝笳隨曉旆行哭向秋原歸去將何見誰

能返戟門

送奚侍郎夫人寇氏二首

宋本不載

束帶將朝日鳴環映牖辰能令明諫主相勸識
賢人遺挂空畱壁迴文日覆塵金蠶將畫柳何
處更知春

女史悲彤管夫人罷錦軒卜筮占二室行哭度
千門秋日光能淡寒川波自翻一朝成萬古松
栢暗平原

恭懿太子挽歌五首

宋本不載

何悟藏環早纔知拜壁年翀天王子去對日聖

君憐樹轉宮猶出笳悲馬不前雖蒙絕馳道京
兆別開阡

蘭殿新恩切椒宮夕臨幽白雲隨鳳管明月在
龍樓人向青山哭天臨渭水愁雞鳴常問膳今
恨玉京留

騎吹凌霜發旌旗夾路陳愷容金節護冊命玉
符新傳母悲香祿君家擁畫輪射熊今夢帝秤
象問何人

蒼舒留帝寵子晉有僊才五歲過人智三天使
鶴催心悲四祿館目斷望思臺若道長安近何

爲更不來

西望昆池闊東瞻下杜平山朝豫章館樹轉鳳
凰城五校連旗色千門疊鼓聲金環如有驗還
向畫堂生

王摩詰集卷第五

五言排律

奉和聖製慶玄元皇帝玉像之作應制
明君夢帝先寶命上齊天秦后徒聞樂周王耻
卜年玉京移大像金籙會群仙承露調天供臨
空敞御筵斗迴迎壽酒山近起爐煙願奉無爲
化齊心學自然

奉和聖製與太子諸王三月三日龍池

春禊應制

故事修春禊新宮展豫遊明君移鳳輦太子出

龍樓賦掩陳王作杯如洛水流金人來捧劍畫
鷁去迴舟苑樹浮宮闕天池照冕旒宸章在雲
表垂象滿皇州

奉和聖製上巳於望春亭觀禊飲應制
長樂青門外宜春小苑東樓開萬戶上輦過百
花中畫鷁移僊妓金貂列上公清歌邀落日妙
舞向春風渭水明秦甸黃山入漢宮君王來祓
禊灞滻亦朝宗

奉和聖製幸玉霄公主山莊因題石壁
十韻之作應制

此

碧落風煙外瑤臺道路賒如何連帝苑別自有
仙家此地迴鑿駕緣溪轉翠華洞中開日月窻
裏發雲霞庭養冲天鶴溪留上漢查種田生白
玉泥竈化丹砂谷靜泉逾響山深日易斜御羹
和石髓香飯進胡麻大道今無外長生詎有涯
還瞻九霄上來往五雲車

奉和聖製暮春送朝集使歸郡應制

萬國仰宗周衣冠拜冕旒玉乘迎大客金節送
諸侯祖席傾三省褰帷向九州楊花飛上路槐
色陰通溝來預釣天樂歸分漢主憂宸章類河

漢垂象滿中州

三月三日曲江侍宴應制

萬乘親齋祭千官喜豫遊奉迎從上苑袂襖向
中流草樹連容衛山河對冕旒畫旗搖浦淑春
服滿汀洲仙樂龍媒下神臯鳳蹕留從今億萬
歲天寶紹春秋

奉和聖製十五夜燃燈繼以酺宴應制

上路笙歌滿春城漏刻長遊人多晝日明月讓
燈光魚鑰通翔鳳龍輿出建章九衢陳廣樂百
福透名香仙妓來金殿都人遶玉堂定應偷妙

舞從此學新粧奉引迎三事司儀列萬方願將
天地壽同以獻君王

奉和聖製重陽節宰臣及群官上壽應

制

四海方無事三秋大有年百生逢此日萬壽願
齊天芍藥和金鼎茱萸插玳筵玉堂開右个天
樂動宮懸御柳踈秋景城鴉拂曙煙無窮菊花
節長奉栢梁篇

三月三日勤政樓侍宴應制

綵仗連宵合瓊樓佛曙通年光三月裏宮殿百

花中不數秦王日誰將洛水同酒筵嫌落絮舞
袖怯春風天保無爲德人歡不戰功仍臨九衢
宴更達四門聰

和陳監四郎秋雨中思從弟據

嫋嫋秋風動淒淒煙雨繁聲連鳩鵲觀色暗鳳
凰原細柳踈高閣輕槐落洞門九衢行欲斷萬
井寂無喧忽有愁霖唱更陳多露言平原思令
弟康樂謝賢昆逸興方三接衰顏強七奔相如
今老病歸守茂陵園

和僕射晉公扈從溫湯

時為右補闕

天子幸新豐旌旗渭水東寒山天仗裏溫谷幔
城中奠玉羣仙座焚香太一宮出遊逢牧馬罷
獵有非熊上宰無爲化明時太古同靈芝三秀
紫陳粟萬箱紅王禮尊儒教天兵小戰功謀猷
歸哲匠詞賦屬文宗司諫方無闕陳詩且未工
長吟吉甫頌朝夕仰清風

和宋中丞夏日遊福賢觀天長寺即陳

左相宅所施之作

已相殷王國空餘尚父溪釣磯間月殿築道出
雲梯積水浮香象深山鳴白鷄虛空陳妓樂衣

服製虹霓墨點三千界丹飛六一泥桃源勿遽
返再訪恐君迷

沈十四拾遺新竹生讀經處同諸公之
作

閑居日清靜修竹自檀欒嫩節留餘籜新叢出
舊闌細枝風響亂踈影月光寒樂府裁龍笛漁
家伐釣竿何如道門裏青翠拂仙壇

贈東岳焦練師

先生千歲餘五嶽遍曾居遙識齊侯鼎新過王
母廬不能師孔墨何事問長沮玉管時來鳳銅

盤即釣魚竦身空裏語明日夜中書自有還丹
術時論太素初頻蒙露版詔時降軟輪車山靜
泉逾響松高枝轉踈支願問樵客世上復何如
贈焦道士

海上遊三島淮南預八公坐知千里外跳向一
壺中縮地朝珠闕行天使玉童飲人聊割酒送
客乍分風天老能行氣吾師不養空謝君徒雀
躍無可問鴻蒙

投道一師蘭若宿

一公栖太白高頂出雲煙梵流諸壑遍花雨一

峰偏迹爲無心隱名因立教傳鳥來還語法客
去更安禪晝涉松露盡暮投蘭若邊洞房隱深
竹清夜聞遙泉向是雲霞裏今成枕席前豈唯
暫留宿服事將窮年

山中示弟

山林吾喪我冠帶爾成人莫學嵇康懶且安原
憲貧山陰多北戶泉水在東隣緣合妄相有性
空無所親安知廣成子不是老夫身

韋侍郎山居

幸忝君子顧遂陪塵外蹤閑花滿巖谷瀑水映

杉松啼鳥忽臨澗歸雲時抱峰良遊盛簪紱繼
跡多夔龍詎枉青門道胡聞長樂鍾清晨去朝
謁車馬何從容

田家

舊穀行將盡良田未可希老年方愛粥卒歲且
無衣雀乳青苔井雞鳴白板扉柴車駕羸犢草
屨牧豪豨多雨紅榴折新秋綠芋肥餉田桑下
憇旁舍草中歸住處名愚谷何煩問是非

過盧負外宅看飯僧共題七韻

三賢異七賢青眼慕青蓮乞飯從香積裁衣學

水田上人飛錫杖檀越施金錢
趺坐簷前日焚香
竹下煙寒空法雲
地秋色淨居天身
逐因緣法心過次第
禪不須愁日暮
自有一燈燃

濟州過趙叟家宴

雖與人境接閉門成隱居
道言莊叟事儒行
魯人餘深巷斜暉
靜閑門高柳
踈荷鋤修藥圃
散帙曝農書
上客搖芳翰
中廚饋野蔬
夫君第高飲
景晏出林閭

青龍寺曇壁上人兄院集

并序

吾兄大天開蔭中明徹物外以定力勝敵以惠用

解嚴深居僧坊傍俯人里高原陸地下映芙蓉
之池竹林果園中秀菩提之樹八極氛霽萬彙
塵息太虛廖廓南山爲之端倪皇州蒼茫渭水
貫於天地經行之後趺坐而閑升堂梵筵餌客
香飯不起而遊覽不風而清涼得世界於蓮花
記文章於貝葉時江寧大兄持片石命維序之
詩五韻坐上成

高處敞招提虛空詎有倪
坐看南陌騎下聽秦城
雞眇眇孤煙起芊芊
遠樹齊青山萬井外
落日五陵西眼界今無染
心空安可迷

同詠

王縉

林中空寂舍階下終南山高臥一牀地廻看六合間浮雲幾處滅飛鳥何時還問義天人接無心世界閑誰知大隱客兄弟自追攀

宋本此首在後

王昌齡

本來清淨所竹樹引幽陰簷外含山翠人間出世心圓通無有象聖境不能侵真是吾兄法何妨友弟深天香自然會靈異識鐘音

宋本此首在前

裴迪

靈境信爲絕法堂出塵氛自然成高致向下看

序稱江寧
大兄自當在
友師前也

浮雲迤邐峰岫列參差間井分林端遠堞見風末踈鍾聞吾師久禪寂在世超人羣

春過賀遂負外藥園

前年槿籬故新作藥欄成香草爲君子名花是長卿水穿盤石透藤繫古松生書畏開廚走來蒙倒屣迎蔗漿菰米飯菹醬露葵羹頗識灌園意於陵不自輕

河南嚴尹弟見宿弊廬訪別人賦十韻

上客能論道吾生學養蒙貧交世情外才子古人中冠上方簪豸車邊已畫熊拂衣迎五馬垂

手憑雙童花醪和松屑茶香透竹叢薄霜澄夜
月殘雲帶春風古壁蒼苔黑寒山遠曉紅眼看
東侯別心事北川同爲學輕先輩何能訪老翁
欲知今日後不樂爲車公

送秘書晁監還日本國

積水不可極安知滄海東九州何處遠萬里若
乘空向國唯看日歸帆但信風鰲身映天黑魚
眼射波紅鄉樹扶桑外主人孤島中別離方異
域音信若爲通

送禰郎中

宋本無送字

天東海奉
晚
主東海奉
王

東郊春草色驅馬去悠悠况復鄉山外猿啼湘
水流島夷傳露坂江館候鳴騶卉服爲諸吏珠
官拜本州孤鶯吟遠墅野杏發山郵早晚方歸
奏南中纔忌秋

送熊九赴任安陽

魏國應劉後寂寥文雅空漳河如舊日之子繼
清風阡陌銅臺下閭閻金虎中送車盈灞上輕
騎出關東相去千餘里西園明月同

送李太守赴上洛

商山包楚鄧積翠藹沉沉驛路飛泉灑關門落

照深野花開古戍行客響空林板屋春多雨山
城晝欲陰丹泉通號略白羽抵荆岑若見西山
爽應知黃綺心

遊化感寺

翡翠香煙合琉璃寶地平龍宮連棟宇虎穴傍
簷楹谷靜惟松響山深無鳥聲瓊峰當戶折金
澗透林鳴郢路雲端迥秦川雨外晴鴈王銜果
獻鹿女踏花行抖擻辭貧里歸依宿化成城繞籬
生野蕨空館發山櫻香飯青菰米嘉蔬綠芋羹
誓陪清梵末端坐學無生

遊悟真寺

聞道黃金地仍開白玉田擲山移巨石呪嶺出
飛泉猛虎同三逕愁猿學四禪買香燃綠桂乞
火踏紅蓮草色搖霞上松聲汎月邊山河窮百
二世界滿三千梵宇聊憑視王城逐渺然灞陵
纔出樹渭水欲連天遠縣分諸郭孤村起白煙
望雲思聖主披霧憶羣賢薄宦慙尸素終身擬
尚玄誰知草菴客曾和栢梁篇

與蘇廬二負外期游方丈寺而蘇不至
因有是作

共仰頭陀行能忘世諦情迴看雙鳳闕相去一
牛鳴法向空林說心隨寶地平手中花艷淨香
帔稻畦成聞道邀同舍相期宿化城安知不來
往翻得似無生

曉行巴峽

際曉投巴峽餘春憶帝京晴江一女浣朝日衆
雞鳴水國舟中市山橋樹杪行登高萬井出眺
迥二流明人作殊方語鶯爲舊國聲賴諳山水
趣稍解別離情

一作衆禽鳴

清如玉壺冰

京兆府試時年十九

藏冰玉壺裏冰水類方諸未共銷丹日還同照
綺疏抱明中不隱會淨外疑虛氣似庭霜積光
言砌月餘曉凌飛鵲鏡宵映聚螢書若向夫君
比清心尚不知

春日直門下省早朝

騎省直明光鷄鳴謁建章遙聞侍中佩閣識令
君香玉漏隨銅吏天書拜夕郎旌旗映闈闔歌
吹滿昭陽官舍梅初紫官門柳欲黃願將遲日
意同與聖恩長

一作令公

雜詩

凌東海奉
臨

朝因折楊柳相見洛城隅楚國無如妾秦家自有夫對人傳玉腕映燭解羅襦人見東方騎皆言夫婿殊持謝金吾子煩君提玉壺

上張令公

珥筆趨丹陛垂璫上玉除步簷青瑣闥方幘畫輪車市閱千金字朝開五色書致君光帝典薦士滿公車伏奏廻金駕橫經重石渠從茲罷角抵且復幸儲胥天統知堯後王章笑魯初匈奴遙俯伏漢相儼簪裾賈生非不遇汲黯自堪踈學易思求我言詩或起予嘗從大夫後何惜隸

人餘

哭褚司馬

妄識皆心累浮生定死媒誰言老龍吉未免伯牛災故有求仙藥仍餘遁俗杯山川秋樹苦窓戶夜泉哀尚憶青驪去寧知白馬來漢臣修史記莫蔽褚生才

過沈居士山居哭之

楊朱來此哭桑扈返於真獨自成千古依然舊四鄰閑簷喧鳥雀故榻滿埃塵曙月孤鶯轉空山五柳春野花愁對客泉水咽迎人善卷明時

隱黔婁在日貧逝川嗟爾命丘井嘆吾身前後
徒言隔相悲詎幾晨

哭祖六自虛 時年十八

否極嘗聞泰嗟君獨不然憫凶纔稚齒羸疾主
中年餘力文章秀生知禮樂全翰留天帳覽詞
入帝宮傳國訝終軍少人知賈誼賢公卿盡虛
左朋識共推先不恨依窮轍終期濟巨川才誰
望羔鴈壽促背貂蟬福善聞前錄殲良昧上玄
何辜鍛鸞翻何事與龍泉鵬起長沙賦麟終曲
阜篇城中君道廣海內我情偏乍失疑猶見沉

思悟絕緣生前不忍別死後向誰宣爲此情難
盡彌令憶更纏本家清渭曲歸葬舊塋邊永去
長安道徒開京兆阡旌車出郊甸鄉國隱雲天
定作無期別寧同舊日旋候門家屬苦行路國
人憐送客哀終進征途泥復前贈言爲挽曲真
席是離筵念昔同携手風期不暫捐南山俱隱
逸東洛類神仙未省音容間那堪生死遷花時
金谷飲月夜竹林眠滿地傳都賦傾朝看藥船
羣公咸屬目微物敢齊肩謬合同人旨而將玉
樹連不期先挂劔長恐後施鞭爲善吾無矣知

音子絕焉琴聲縱不沒終亦斷悲絃

王摩詰集卷第五

王摩詰集卷第六

七言律詩

奉和聖製從蓬萊向興慶閣道中留春
雨中春望之作應制

渭水自縈秦塞曲黃山舊遶漢宮斜鑿輿迴出
仙門柳閣道迴看上苑花雲裏帝城雙鳳闕雨
中春樹萬人家爲乘陽氣行時令不是宸遊重
物華

大同殿生玉芝龍池上有慶雲百官共
覩聖恩便賜宴樂敢書即事

欲笑周文歌宴鎬遙輕漢武樂橫汾豈如玉殿
生三秀詎有銅池出五雲陌上堯樽傾北斗樓
前舜樂動南薰共歡天意同人意萬歲千秋奉
聖君

勅賜百官櫻桃

時為文部郎

芙蓉闕下會千官紫禁朱櫻出上闌纔是寢園
春薦後非關御苑鳥銜殘歸鞍競帶青絲籠中
使頻傾赤玉盤飽食不須愁內熱大官還有蔗
漿寒

和前

右補闕崔興宗

大官作太官

未央朝謁正逶迤天上櫻桃錫此時朱實初傳
九華殿繁花舊雜萬年枝未勝晏子江南橘莫
比潘家大谷梨聞道令人好顏色神農本草自
應知

勅借岐王九成宮避暑應教

帝子遠辭丹鳳闕天書遙借翠微宮隔窓雲霧
生衣上卷幔山泉入鏡中林下水聲喧語笑巖
間樹色隱房櫳仙家未必能勝此何處吹簫向
碧空

和賈舍人早朝大明宮之作

絳幘雞人送曉籌尚衣方進翠雲裘九天閭闔
開宮殿萬國衣冠拜冕旒日色纔臨仙掌動香
煙欲傍袞龍浮朝罷須裁五色詔珮聲歸向鳳
池頭

和太常韋主簿五郎温湯寓目

漢主離宮接露臺秦川一半夕陽開青山盡是
朱旗繞碧澗翻從玉殿來新豐樹裏行人度小
苑城邊獵騎迴聞道甘泉能獻賦懸知獨有子
雲才

苑舍人能書梵字兼達梵音皆曲盡其

妙戲爲之贈

名儒待詔滿公車才子爲郎典石渠蓮花法藏
心懸悟貝葉經文手自書楚詞共許勝楊馬梵
字何人辨魯魚故舊相望在三事願君莫厭承
明廬

苑咸荅并序

王貞外兄以予嘗學天竺書有戲題見贈然王
兄當代詩匠又精禪理枉採知音形於雅作輒
走筆以酬焉且久未遷因而嘲及

蓮花梵字本從天華省仙郎早悟禪禪三點成伊

猶有想一觀如幻自忘筌爲文已變當時體入
用還推間氣賢應同羅漢無名欲故作馮唐老
歲年

重酬苑郎中

并序

時為庫部員外

頃輒奉贈忽枉見酬叙末云且久不遷因而嘲
及詩落句云應同羅漢無名欲故作馮唐老歲
年亦解嘲之類也

何幸含香奉至尊多慙未報主人恩草木盡能
酬雨露榮枯安敢問乾坤僊郎有意憐同舍丞
相無私斷掃門揚子解嘲徒自遣馮唐已老復

何論

酬郭給事

七言

洞門高閣靄餘輝桃李陰陰柳絮飛禁裏踈鐘
官舍晚省中啼鳥吏人稀晨搖玉珮趨金殿夕
奉天書拜瑣闥強欲從君無那老將因卧病解
朝衣

既蒙宥罪旋復拜官伏感聖恩竊書鄙
意兼奉簡新除使君等諸公

忽蒙漢詔還冠冕始覺殷王解網羅日比皇明
猶自暗天齊聖壽未云多花迎喜氣皆知笑鳥

識歡心亦解歌聞道百城新佩印還來雙闕共
鳴珂

酌酒與裴迪

酌酒與君君自寬人情翻覆似波瀾白首相知
猶按劍朱門先達笑彈冠草色全經細雨濕花
枝欲動春風寒世事浮雲何足問不如高臥且
加餐

輞川別業

不到東山向一年歸來纔及種春田雨中草色
綠堪染水上桃花紅欲然優婁比丘經論學偃

僂丈人鄉里賢披衣倒屣且相見相歡語笑衡
門前

早秋山中作

無才不敢累明時思向東溪守故籬豈厭尚平
婚嫁早却嫌陶令去官遲草間蛩響臨秋急山
裏蟬聲薄暮悲寂寞柴門人不到空林獨與白
雲期

積雨輞川莊作

積雨空林煙火遲蒸藜炊黍餉東菑漠漠水田
飛白鷺陰陰夏木嘒黃鸝山中習靜觀朝槿松

下清齋折露葵野老與人爭席罷海鷗何事更相疑

過乘如禪師蕭居士嵩丘蘭若

無着天親弟與兄嵩丘蘭若一峰晴食隨鳴磬
巢鳥下行踏空林落葉聲迸水定侵香案濕雨
花應共石牀平深洞長松何所有儼然天竺古
先生

春日與裴迪過新昌里訪呂逸人不遇
桃源一向絕風塵柳市南頭訪隱淪到門不敢
題凡鳥看竹何須問主人城外青山如屋裏東

家流水入西鄰閉戶著書多歲月種松皆作老
龍鱗

同詠

裴迪

恨不逢君出荷蓑青松白屋更無他陶令五男
曾不有蔣生三逕枉相過芙蓉曲沼春流滿薜
荔成帷晚靄多聞說桃源好迷客不如高卧眄
庭柯

送方尊師歸嵩山

仙官欲往九龍潭毛節朱幡倚石龕山壓天中
半天上洞穿江底出江南瀑布杉松常帶雨夕

陽彩翠忽成嵐借問迎來雙白鶴已曾衡岳送
蘇耽

送楊少府貶郴州

明到衡山與洞庭若爲秋月聽猿聲愁看北渚
三湘客惡說南風五兩輕青草瘴時過夏口白
頭浪裏出益城長沙不久留才子賈誼何須弔
屈平

聽百舌鳥

宋本無鳥字

上蘭門外草萋萋未央宮中花裏棲亦有相隨
過御苑不知若箇向金堤入春解作千般語拂

曙能先百鳥啼萬戶千門應覺曉建章何必聽
鳴雞

出塞作

時為監察塞上作

居延城外臘天驕白草連天野火燒暮雲空磧
時驅馬秋日平原好射鵰護羌校尉朝乘障破
虜將軍夜渡遼玉靶角弓珠勒馬漢家將賜霍
嫖姚

五言絕句

輞川集

并序

余別業在輞川山谷其遊止有孟城坳華子岡

文杏館斤竹嶺鹿柴木蘭柴花茱萸泝宮槐陌臨
湖亭南垞欹湖柳浪藥家瀨金屑泉白石灘北
垞竹里館辛夷塢漆園椒園等與裴迪閑暇各
賦絕句云爾 宋本無尔字

孟城坳

新家孟城口古木餘衰柳來者復爲誰空悲昔
人有

同前

裴迪

結廬古城下時登古城上古城非疇昔今人自
來往

華子岡

飛鳥去不窮連山復秋色上下華子岡惆悵情
何極

同前

裴迪

自此後宋本無裴迪二字

落日松風起還家草露晞雲光侵履跡山翠拂
人衣

文杏館

文杏裁爲梁香茅結爲宇不知棟裏雲去作人
間雨

同前

裴迪

迢迢文杏館躋攀日已屢南嶺與北湖前看復
迴顧

斤竹嶺

檀欒映空曲青翠漾漣漪暗入商山路樵人不
可知

同前

裴迪

明流紆且直綠篠密復深一徑通山路行歌望
舊岑

鹿柴

空山不見人但聞人語響返景入深林復照青

苔上

同前

裴迪

日夕見寒山便爲獨徃客不知深林事但有麋
麋跡

木蘭柴

秋山斂餘照飛鳥逐前侶彩翠時分明夕嵐無
處所

同前

裴迪

蒼蒼落日時鳥聲亂溪水緣溪路轉深幽興何
時已

紫東海本
花

翠東海本
峯

茱萸泝

結實紅且綠復如花更開山中儻留客置此芙蓉杯

同前

裴迪

飄香亂椒桂布葉間檀藥雲日雖迴照森沉猶自寒

宮槐陌

仄徑蔭宮槐幽陰多綠苔簷門但迎掃畏有山僧來

同前

裴迪

門前宮槐陌是向歆湖道秋來山雨多落葉無人掃

臨湖亭

輕舸迎上客悠悠湖上來當軒對樽酒四面芙蓉開

同前

裴迪

當軒彌澗漾孤月正徘徊谷口猿聲發風傳入戶來

南垞

輕舟南垞去北垞森難即隔浦望人家遙遙不

相識

同前

裴迪

孤舟信一泊南垞湖水岸落日下崦嵫清波殊
淼漫

歌湖

吹簫凌極浦日暮送夫君湖上一迴首山青卷
白雲

同前

裴迪

空闊湖水廣青熒天色同艤舟一長嘯四面來
清風

柳浪

分行接綺樹倒影入清漪不學御溝上春風傷
別離

同前

裴迪

映池同一色逐吹散如絲結陰旣得地何謝陶
家時

藥家瀨

颯颯秋雨中淺淺石溜瀉跳波自相濺白鷺驚
復下

同前

裴迪

瀨聲喧極浦
公涉向南津
汎汎鳧鷖渡
時時欲近人

金屑泉

日飲金屑泉
少當千餘歲
翠鳳翊文螭
羽節朝玉帝

同前

裴迪

縈渟澹不流
金碧如可拾
迎晨含素華
獨徃事朝汲

白石灘

清淺白石灘
綠蒲向堪把
家住水東西
浣沙明

月下

同前

裴迪

跂石復臨水
弄波情未極
日下川上寒
浮雲澹無色

北垞

北垞湖水北
雜樹映朱欄
逶迤南川水
明滅青林端

同前

裴迪

南山北垞下
結宇臨歌湖
每欲採樵去
扁舟出菰蒲

竹里館

獨坐幽篁裏彈琴復長嘯深林人不知明月來
相照

同前

裴迪

來過竹里館日與道相親出入惟山鳥幽深無
世人

辛夷塢

木末芙蓉花山中發紅萼澗戶寂無人紛紛開
且落

同前

裴迪

緣堤春草合王孫自留翫況有辛夷花色與芙
蓉亂

漆園

古人非傲吏自闕經世務偶寄一微官婆娑數
株樹

同前

裴迪

好閑早成性果此諧宿諾今日漆園遊還同莊
叟樂

椒園

桂尊迎帝子杜若贈佳人椒漿奠瑤席欲下雲

中君

同前

裴迪

丹刺骨人衣芳香留過客幸堪調鼎用願君垂採摘

皇甫嶽雲溪襟題五首

鳥鳴磧

人閑桂花落夜靜春山空月出驚山鳥時鳴春澗中

蓮花塢

日日採蓮去洲長多暮歸弄篙莫濺水畏濕紅

蓮衣

鸕鷀堰

乍向紅蓮沒復出清浦颺獨立何襜褕銜魚古查上

上平田

朝耕上平田暮耕上平田借問問津者寧知沮溺賢

萍池

春池深且廣會待輕舟迴靡靡綠萍合垂楊掃復開

輞口遇雨憶終南山因獻絕句

裴迪

積雨晦空曲平沙滅浮彩輞水去悠悠南山復何在

荅裴迪

森森寒流廣蒼蒼秋雨晦君問終南山心知白雲外

山中寄諸弟妹

山中多法侶禪誦自爲羣城郭遙相望唯應見白雲

聞裴秀才迪吟詩因獻贈

猿吟一何苦愁朝復悲夕莫作巫峽聲腸斷秋江客

贈章穆十八

與君青眼客共有白雲心不向東山去日令春草深

送別

山中相送罷日暮掩柴扉春草明年綠王孫歸不歸

臨高臺送黎拾遺

相送臨高臺川原香何極日暮飛鳥還行人去
不息

別輞川別業

依遲動車馬惆悵出松蘿忍別青山去其如綠
水何

同前

王縉

山月曉仍在林風涼不絕殷勤如有情惆悵令
人別

崔九弟欲往南山馬上口號與別

宋本無山字

城隅一分手幾日還相見山中有桂花莫待花

東海奉分首

如霰

同前

裴迪

歸山深淺去須盡丘壑美莫學武陵人暫遊桃
源裏

留別

崔興宗

駐馬欲分襟清寒御溝上前山景氣佳獨往還
惆悵

息夫人

時年二十

莫以今時寵能忘舊日恩看花滿眼淚不共楚
王言

班婕妤三首

玉牕螢影度金殿人聲絕秋夜守羅帷孤燈耿
不滅

宮殿生秋草君王恩幸踈那堪聞鳳吹門外度
金輿

恠來粧閣閉朝下不相迎總向春園裏花間語
笑聲

題友人雲母障子

君家雲母障時向野庭開自有山泉入非因采
畫來

紅牡丹

綠豔閒且靜紅衣淺復深花心愁欲斷春色豈
知心

左掖梨花詠

閑灑堦邊草輕隨箔外風黃鸝弄不足銜入未
央宮

同前

丘爲

冷艷全欺雪餘香乍入衣春風且莫定吹向玉
階飛

同前

皇甫冉

巧解迎人笑偏能亂蝶飛春風時入戶幾片落
朝衣

口號又示裴迪

安得捨塵網拂衣辭世喧悠然策藜杖歸向桃
花源

雜詩

家住孟津河門對孟津口常有江南船寄書家
中否
君自故鄉來應知故鄉事來日綺牕前寒梅着
花未

已見寒梅發復聞啼鳥聲心心視春草畏向階
前生

崔興宗寫真詠

畫君年少時如今君已老今時新識人知君舊
時好

山茱萸

朱實山下開清香寒更發幸有與叢桂花牕前向
秋月

哭孟浩然

時為殿中侍御史知南選至襄陽有作

故人不可見漢水日東流借問襄陽老江山空

蔡州

太平詞二首

風俗今和厚君王在穆清行看探花曲盡是太
階平

聖德超千古皇威靜四方蒼生今息戰無事覺
時長

遊春曲二首

萬樹江邊杏新開一夜風滿園深淺色照在綠
波中

上苑無窮樹花開次第新香車與絲騎風靜亦

以下十五首
在卷一
判第一卷
之末作王
涯詩在七
言十七首之
後

生塵

送春辭

日日人空老年年春更歸相歡在尊酒不用惜
花飛

塞上曲二首

天驕遠塞行出鞘寶刀鳴定是酬恩日今朝覺
命輕

塞虜常為敵邊風已報秋平生多志氣箭底覓
封侯

從軍辭二首

簇甲從軍久風雲識陳難今朝拜韓信計日斬
成安

燕頰多奇相狼頭敢犯邊寄言班定遠正是立
功年

隴上行

負羽到邊州鳴笳度隴頭雲黃知塞近草白見
邊秋

閨人贈遠五首

花明綺陌春柳拂御溝新爲報遼陽客流芳不
待人

遠戌功名薄幽閨年貌傷粧成對春樹不語淚
千行

啼鶯綠樹深語鶯雕梁晚不省出門行沙場知
近遠

形影一朝別煙波千里分君看望君處祗是起
行雲

洞房今夜月如練復如霜爲照離人恨亭亭到
曉光

六言絕句

田園樂七首

走筆立成

厭見千門萬戶經過北里南鄰官府鳴珂有底
崆峒散髮何人

再見封侯萬戶立談賜璧一雙詎勝耦耕萬畝
何如高臥東窓

採菱渡頭風急策杖林西日斜杏樹壇邊漁父
桃花源裏人家

萋萋春草秋綠落落長松夏寒牛羊自歸村巷
童稚不識衣冠

山下孤煙遠村天邊獨樹高原一瓢顏回陋巷
五柳先生對門

桃紅復含宿雨柳綠更帶春煙花落家僮未掃
鶯啼山客猶眠

酌酒會臨泉水抱琴好倚長松南園露葵朝折
東谷黃梁夜春

七言絕句

獻壽詞

宮殿參差列九重祥雲瑞氣捧堦濃微臣欲獻
唐堯壽遙指南山對袞龍

遊春詞二首

曲江絲柳變煙條寒谷冰隨暖氣銷纔見春光

自此至秋
夜四十五
首東海
本俱刻
第一卷之
末作王涯
詩於宮
宗楚偕
雜言
林別
翰

生綺陌已聞清樂動雲韶
經過柳陌與桃溪尋逐春光着處迷鳥度時時
衝絮起花繁袞袞壓枝低

秋思二首

網軒涼吹動輕衣夜聽更生^長玉漏稀月度天河
光轉濕鵲驚秋樹葉頻飛
宮連太液見滄波暑氣微消秋意多一夜輕風
蘋末起露珠翻盡滿池荷

從軍辭

髦頭夜落捷書飛來奏金門看賜衣白馬將軍

頻破敵黃龍戍卒幾時歸

塞下曲

辛勤幾出黃花戍迢遞初隨細柳營塞晚每愁
殘月苦邊愁更^逐斷蓬驚
年少辭家從冠軍金裝寶劍去邀勳不知馬骨
傷寒水唯見龍城起暮雲

平戍辭二首

太白秋高助後兵長風夜卷虜塵清男兒解却
腰間劍喜見從王道化平
卷旆生風喜氣新早持龍節靜邊塵漢家天子

圖麟閣身是當今第一人

贈遠二首

當年只自守空帷
夢見關山覺別離
不見鄉書傳鴈足
唯看新月吐蛾眉

自東海本

厭攀楊柳臨青閣
閑採芙蓉渠傍碧
潭走馬臺邊人不見
拂雲堆畔戰初酣

閨人春思

愁見遙空百丈絲
春風挽斷更傷離
閑花落盡青苔地
盡日無人誰得知

遊

秋夜曲二首

丁丁漏水夜何長
漫漫輕雲露月光
秋逼暗蟲通夕響
寒衣未寄莫飛霜
桂魄初生秋露微
輕羅已薄未更衣
銀箏夜久殷勤弄
心怯空房不忍歸

少年行四首

新豐美酒斗十千
咸陽遊俠多少年
相逢意氣爲君飲
繫馬高樓垂柳邊
出身仕漢羽林郎
初隨驃騎戰漁陽
孰知不向邊庭苦
縱死猶聞俠骨香
一身能擘兩雕弧
虜騎千重只似無
偏坐金鞍

調白羽紛紛射殺五單于
漢家君臣歡宴終高議雲臺論戰功天子臨軒
賜侯印將軍佩出明光宮

寄河上段十六

與君相見即相親聞道君家在孟津爲見行舟
試借問客中時有洛陽人

贈裴旻將軍

腰間寶劍七星文臂上瑠弓百戰勲見說雲中
擒黠虜始知天上有將軍

九月九日憶山東兄弟時年十七

獨在異鄉爲異客每逢嘉節倍思親遙知兄弟
登高處遍插茱萸少一人

戲題輞川別業

柳條拂地不須折松樹披雲從稍更長藤花欲暗
藏猱子栢葉初齊養麝香

戲題盤石

可憐盤石臨泉水復有垂楊拂酒杯若道春風
不解意何因吹送落花來

與盧負外象過崔處士興宗林亭

綠樹重陰蓋四鄰青苔日厚自無塵科頭箕踞

長松下白眼看他世上人

君是甚

同前

盧象

映竹時聞轉轆轤當窓只見網蜘蛛主人非病
常高卧環堵蒙籠一老儒

同前

王縉

身名不問十年餘老大誰能更讀書林中獨酌
鄰家酒門外時聞長者車

同前

裴迪

喬柯門裏自成陰散髮窓中曾不簪
逍遙且喜從吾事榮寵從來非我心

酬前

崔興宗

窮巷空林常閉關悠然獨臥對前山
今朝忽枉嵇生駕倒屣開門遙解顏

送王尊師歸蜀中拜掃

大羅天上神僊客濯錦江頭花柳春
不爲碧雞稱使者唯令白鶴報鄉人

送元二使安西

渭城朝雨裊輕塵客舍青青柳色春
勸君更盡一杯酒西出陽關無故人

一作依楊柳春

送別

送君南浦淚如絲君向東州使我悲爲報故人
顛顛盡如今不似洛陽時

送韋評事

欲遂將軍取右賢沙場走馬向居延遙知漢使
蕭關外愁見孤城落日邊

靈雲池送從弟

金杯緩酌清歌轉畫舸輕移豔舞迴自嘆鶻鴒
臨水別不同鴻鴈向池來

送沈子歸江東

楊柳渡頭行客稀呂師盪漿向臨圻唯有相思

似春色江南江北送春歸

寒食汜上作

廣武城邊逢暮春汶陽歸客淚沾巾落花寂寂
啼山鳥楊柳青青渡水人

劇嘲史寰

清風細雨濕梅花驟馬先過碧玉家正值楚玉
宮裏至門前初下七香車

一本作適自楚玉

菩提寺禁裴迪來相看說逆賊等凝碧
池上作音樂供奉人等舉聲便一時淚
下私成口號誦示裴迪

萬戶傷心生野煙百官何日更朝天秋槐葉落
宮裏凝碧池奏管絃

凍州賽神

涼州城外少行人百尺峯頭望虜塵健兒擊鼓
吹羌笛共賽城東越騎神

哭殷遙

送君返葬石樓山松栢蒼蒼賓馭還埋骨白雲
長已矣空餘流水向人間

王摩詰集卷第六

摩詰集先備之谷季子文宗襲爵寫本屬道林撰後過
康州已亥又借居谷前輩從李相國祭上帝勅奉手
抄者再檢此類字在而傳信天記示錄也

奉和 聖製聖札賜宰臣連珠詞五首應制
時為庫部員外

臣聞大明馭寓天地同符間氣佐時君臣協德故千
年聖主唐帝撫其寶圖七德諸侯周公為之元老

臣聞有其才者効其職重其任者竭其能故樂播大
風乃能調四氣身騎列宿於是運三光

臣聞先天不違德合於上事君盡力功濟於下故若臣同
體於大道庶人以康億兆宅心於至仁萬邦乃固

臣聞形之端者景必隨焉聲之善者響必報焉故偃武
修文皇天降之善氣薄賦省後后土報以豐年

蓋聞宣至理者文懸之於日月表聖言者字動之以
雲故虞舜作歌徒施於典策伏羲書卦未類於昭回



